




Sweetius

1264

SWEETIUS









ANTVERPIÆ,
Apud Ioannem Baptistam Vrintium.
ANNO CLD. ID. CIII.


Cum gratia & Privilegio.

THE
NEW YORK
LIBRARY
OF THE
CITY OF NEW YORK
AND
THE
LIBRARY OF THE
ASTOR LENOX AND
TILDEN FOUNDATIONS
100 N. 4TH ST.
NEW YORK

R. D^{NO} D. AVBERTO MIRÆO
MARIANAE AEDIS

APVD ANTVERPIENSES CANONICO,
THEOLOGO, HISTORICO,
VIRO OPTIMO,

FRANCISCVS SVVEERTIVS F.
S. D.

 YRACVSANVS Archimedes, Eruditissi-
me MIRÆE, iis tantum Ingenii sui nobi-
lissimos foetus sacrare consuêrat, quos ta-
lium rerum cum primis peritos arbitraretur.
Idem ego mihi in huius libelli dedicatione fa-
ciundum putavi: cum enim annos aliquot illud æta-
tis nostræ lumen IUSTVM LIPSIVM de superiore loco,
ore diserto & rotundo, SVETONIVM explicantem Lo-
uanij audieris, & ex ea lectione fructus non pœniten-
dos collegeris, cui quæso iure potiore XII. Orbis Roma-
ni Impp. quàm tibi, optime MIRÆE, consecrabo? Po-
stulat hoc eruditio tua, candor animi, & studium in
me tuum. Et licet paruum alicui meritò videri possit
atq. exile quod molior, non dubito tamen, quin ubi
istam tuam attigerit dextram sinceritate fideque præ-
stantem, plurimum sit accepturum vel magnitudinis
vel gratiæ. Vale. Antuerpiæ, ex nostro Museiolo. Ipso
D. Augustini, quem vt patronum colis, & coluisti
semper. An. CIO. IO. CII.

NATVS est CÆSAR Romæ C. Mario, L. Valerio Flacco C O S S. ad IV. Idus Quinctiles, qui mensis post eius mortem lege Antonia I V L I V S est ea de causa dictus. Fuisse traditur excelsa statura, colore candido, terebibus membris, ore paulo pleniore, nigris vegetisque oculis, valetudine prospera, nisi quòd tempore extremo repente animo linq̃i, atq̃. etiã per somnium exterreri solebat. Comitiali quoq̃. morbo bis inter res gerendas correptus est. Circa corporis curam morosior, vt non solũ tonderetur diligenter, ac raderetur, sed velleretur etiam. Caluitij verò deformitatem iniquissimè ferre, obrectatorum sapè iocis obnoxiam expertus, ideoque & deficientem capillum reuocare à vertice affueuerat, & ex omnibus decretis sibi à Senatu, populoq̃; honoribus non aliud aut recepit, aut vsurpauit libentius quàm ius laureæ coronæ perpetuò gestandæ. Etiam cultu notabilem ferunt. vsũ enim lato clauo ad manus fimbriato, nec vt vnquam aliter quàm super eum cingeretur, & quidem fluxiore cinctura. Vnde emanasse Sullæ dictũ, optimates sapius admonentis vt malè præcinctum puerum cauerent. Gemmas, toreumata, signa, tabulas operis antiqui semper animosissimè cõparauit. Vini parcissimum ne inimici quidem negauerũt. Verbum M. Catonis est, vnum ex omnibus Cæsarem ad euertendam remp. sobrium accessisse. Eloquentia, militariq̃. re aut æquauit præstantissimorum gloriã, aut excessit. Pronunciasse autem dicitur voce acuta, ardenti motu gestuq̃., non sine venustate. Reliquit rerum suarũ Commentarios, Gallici, ciuiliq̃ue belli Pompeiani. Reliquit & de analogia lib. II. & Anticatones totidem, ac præterea poëma quod inscribitur Iter. Feruntur & à puero, & ab adolescentulo quædam scripta, vt Laudes Herculis, Tragoedia Oedipi, item Dicta collectanea. Dictator in perpetuũ factus à Senatu, in Curia, Cassio & Bruto cædis auctoribus, III. & XX. vulneribus occisus est, vno modò ad primum ictum gemitu sine voce edito, cuius corpore pro rostris posito. Sol orbem suũ celasse dicitur. Periit VI. & L. ætatis anno, Imperij V. relatusque in Deorum numerum.

IOANNES BOCHIVS S. P. Q. A. à Secretis.

*Cæsar, ad imperium civili sanguine partum
Venisti, famulasq̃, manus fortuna tetendit
Ipsa tibi, cecidit tellus, & iussibus aquor
Paruit omne tuis, verũ inuidiosa potestas,
Et suspectus honos, adimunt ciuilibus armis
Imperium, vitamq̃, tibi, formidine regni.*

SATIUS EST SEMEL MORI, QUAM ASSIDUA
SPE ET EXPECTATIONE VITAM
PERDERE.



M. Tullio Cicerone, & Antonio Coss. ix. Kal. Octobris, paullo ante Solis exortum, natus est AYGVS TVS. Forma fuit eximia, & per omnes ætatis gradus venustissima, quanquã & omnis lenocinii negligens, & in capite comêdo tam incuriosus, vt raptim compluribus simul conforibus operã daret, ac modò tonderet, modò raderet barbã, eoq. ipso tempore aut legeret aliquid, aut etiam scriberet. Oculos habuit claros ac nitidos, quibus etiã existimari volebat inesse quiddã diuini vigoris, gaudebatq. si quis sibi acrius cõtuenti quasi ad fulgorẽ Solis vultus submitteret. Sed in senecta sinistro minùs vidit. Dentes raros & exiguos, & scabros, capillum leuiter inflexũ, & sufflaum, supercilia coniuncta, mediocres aures, nasum & à summo eminentiorẽ, & ab imo deductionem, colorem inter aquilũ candidumq.; staturam breuẽ. Graues & periculosas valetudines per omne vitam aliquot expertus est. Sub natalẽ suũ plerumq. læguebat, & initio veris præcordiorũ inflatione tentabatur, Austrinis autem tempestatibus, grauedine. Eloquentiã, studiãq; liberalia ab ætate prima cupide & laboriosissimè exercuit. Mutinensĩ bello, in tanta mole rerũ, & legisse & scripsisse, & declamasse quotidie traditur. Pronũciabat dulci & proprio quodã oris sono. Multa variij generis prosa oratione composuit, vt sunt Hortationes ad Philosophiam, & aliqua de vita sua xxx. libris. Poeticã summatim attigit. Vnus liber exstat scriptus ab eo Hexametris versibus, cuius & argumentũ & titulus est, Sicilia. Exstat alter æquẽ modicus Epigrãmatum, quæ ferè tẽpore balnei meditabatur. Nã Tragœdiã magno impetu exorsus, nõ succedẽte stylo, aboleuit, quærentibusq. amicis quidnã Ajax ageret, respõdit Aiacẽ suum in spõgiam incubuisse. Genus eloquẽdi secutus est elegans & temperatum. Orthographiam à Grãmaticis institutã, non adeò custodiit, secutus eorum opinionem, qui perinde scribendũ ac loquendũ existimant. Ne Græcarũ quidem disciplinarũ leuiore studio tenebatur. magistro dicẽdi vsus Apollodoro Pergameno. Ingenia sęculi sui omnibus modis fouit. Obiit Nolẽ in cubiculo eodem quo pater Octauius, duob. Sextis, Põpeio, & Appuleio Coss. xiiii. Kal. Septembris, hora diei nona, Lxx. & vi. ætatis anno, dieb. v. & xxx. minus. Imperij. lvi.

IOANNES BOCHIVS S. P. Q. A. à Secretis.

*Solus habes aquila coruos laniente, Triumuir,
Imperium, victusq; tuis Antonius armis
Leucadio & Regina freto, lanumq; bisfrontem
Clausisti, ac toti cùm feceris otia mundo,
Tẽque audes conferre Deo, te Liuiã sortis
Dicitur humana misto admouisse veneno.*

7
ROMAM LATERICIAM ACCEPI,
MARMOREAM RELINQVO.



TIBERIVS natus est Romæ in Palatio XVI. Kalendas Decemb. M. Aemilio Lepido iterū, & Munatio Planco Coss. post bellū Philippenſe. Corpore fuit amplo atq; robusto, ſtatura quæ iuſtam excederet, latus ab humeris & pectore, ceteris quoq; mēbris vſque ad imos pedes æqualis & congruens, ſiniſtra manu agiliore ac validiore, articulis ita firmis, vt recens & integrū malū digito terebraret, caput pueri, vel etiam adoleſcentis talitro vulneraret. Colore erat cādido, capillo ponē occipitium ſubmiſſiore, vt ceruicē etiam obtegeret, quod gentile in illo videbatur, facie honeſta, in qua tamē crebri & ſubtiles tumores, cum prægrādibus oculis, & qui (quod mirū eſſet) noctu etiā & in tenebris viderent, ſed ad breue, & cum primū à ſomno patuiſſent. Demum rurfus hebeſcebant. Incedebat ceruice rigida & obſtipa, adducto ſerē vultu, plerunque tacitus, nullo, aut rariſſimo etiam cum proximis ſermone, eoq; tardiſſimo, nec ſine molli quadam digitorū geſticatione. Valetudine proſperrima vſus eſt, tempore quidem Principatus pænē toto propē illæſa, quamvis à trigēſimo ætatis anno arbitrato eā ſuo rexerit, ſine adiumēto conſiliiſue Medicorum. Artes liberales vtriuſq; generis ſtudioſiſſimē coluit. In oratione Latina ſecutus eſt Coruinum Meſſalam, quem ſenem adoleſcens obſeruauerat. Sed affectatione, & moroſitate nimia obſcurabat ſtylum, vt aliquando ex tēpore quā à cura præſtantior haberetur. Cōpoſuit & carmen lyricū, cuius eſt titulus, Conqueſtio de L. Cæſaris morte. Fecit & Græca poëmata, imitatus Euphorionem, & Rhianum & Partheniū. Sermone Græco quanquā aliàs promptus & facilis, nō tamen vſquequaque vſus eſt, abſtinuitq; maximē in Senatu. Ob vinolentiam eleganter à iocularibus nominatus eſt CALDIVS BIBERIVS NERO. Obijt Miſeni, in villa Luculliana, octauo & ſeptuageſimo ætatis anno, tertio & vigēſimo Imperij, XVII. Kal. Aprilis, Cn. Acerronio Proculo, C. Portio Nigro Coss. Morte eius ita lætatus eſt populus, vt ad primū nunciū diſcurrentes pars TIBERIVM in Tiberim clamitarent, pars terram matrem, Deosq; Manes orarent ne mortuo ſedem vllam niſi inter impioſ darent.

IOANNES BOCHIVS S. P. Q. A. à Secretis.

*Claudius egregiè vixit priuatus, & inſons
Imperiis, Auguſte, tuis, ſimulatæque virtus
Sub Druſo, morumq; diu ceu mixta libido
Incolumi genitrice fuit, poſt turpia vitæ
Tempora, Telebcūm Capreas vbi regna petiuit,
Ingenio, & totas vitis laxauit habenas.*

ME MORTVO TERRA IGNI
MISCEATVR.

9



B

PRIDIE Kal. Septembris natus est C. CÆSAR, Patre suo, & C. Fonteio Capitone C o s s. vbi natus sit incertum. Quidam Tiburi, Plinius Secundus in Treueris vico Ambiatino, supra Confluentes genitum scribit. Suetonius Antij editum credit. Statura fuit eminenti, pallido colore, corpore enormi, gracilitate maxima ceruicis, & crurum, & oculis & temporibus concavis, fronte lata & torua, capillo raro, ac circa verticem nullo, hirsutus cetera. Vultum verò natura horridum ac tetrum etiam ex industria efferabat, componens ad speculum in omnem terrorem ac formidinem. Valetudo ei neque corporis, neque animi constitit. Incitabatur insomnio maximè, neque enim plus quam tribus nocturnis horis quiescebat, ac ne his quidem placida quiete, sed pauida miris rerum imaginibus. Ideoque magna parte noctis, vigiliæ cubandique tadio, nunc foro residens, nunc per longissimas porticus vagus, inuocare identidem atque expectare lucem consueuerat. E disciplinis liberalibus minimùm eruditioni, eloquentiæ plurimùm attendit, quantumuis facundus & promptus. Vtique si perorandùm in aliquem esset, irato & verba, & sententiæ suppetebant, pronuntiatio quoque & vox, vt neque eodem loci præ ardore cõsisteret, & exaudiretur à procul stantibus. Peroraturus stricturum se lucubrationis suæ telum minabatur, lenius comitiisque scribendi genus adeò contemnens, vt Senecam, tum maximè placentem, commissiones meras componere, & arenam esse sine calce diceret. Nono Kalend. Februarias, hora quasi VII. à coniuratis confossus, interiit. Obseruatum est Cæsares omnes quibus C A I I prænomen fuit ferro periisse iam inde ab eo qui Cinnanis temporibus sit occisus. Vixit annis xxix. Imperauit triennio & x. mēsis, diebusque viii.

IOANNES BOCHIVS. S. P. Q. A. à Secretis.

*Nec Deus es, nec homo, C A I, sub principe monstrum es;
 Si qua Dicarchæas iunxisse est nauibus arces
 Euboico laus parta iugo, at spolia ampla reportas
 Vilibus Oceani lectus in litore conchis:
 Vtq; tibi fuluo plausisti stratus in auro,
 Sic quoque leta tuo te sanguine Roma voluto est.*

NIHIL MAGIS IN MEA NATVRA PROBO
QVAM INVERECVNDIAM.



CLAVDIVS natus est Iulio Antonio, Fabio Africano C o s s. Kal. Augustis, Lugduni, eo ipso die, quo primum ara ibi Augusto dedicata est, appellatusque T. I. CLAVDIVS DRVSVS. Mox fratre maiore in Iuliam familiam adoptato, GERMANICI cognomen assumpsit. Auctoritas dignitasq. formæ non defuit vel stanti vel sedenti, ac præcipue quiescenti; nam & proluxo, neq. exili corpore erat, & specie canitieq. pulcra, opimis ceruicibus. Ceterum & ingredientem destituebant poplites, minus firmi, & remisæ quid, vel serio agentem multa dehonestabant, risus indecens, ira turpior, spumante rictu, humentibus naribus, præterea linguæ titubantia, caputque tum semper, tum in quantulocunq. actu vel maxime tremulum. Valetudine sicut olim graui, ita Princeps perprospera usus est, excepto stomachi dolore. Quo se correptum etiam de consciscenda morte cogitasse dixit. Historiam in adolescentia, hortante T. Liuius, Sulpicio verò Flauo etiam adiuuante, scribere aggressus est. In Principatu quoq. & scripsit plurimum, & assidue recitauit per lectorem. Initium autem sumpsit historiæ post eadem Cæsaris Dictatoris. Composuit & de vita sua VIII. volumina. Nouas etiam commentus est literas III. Nec minore cura Græca studia securus est, amorem, præstantiamque linguæ occasione omni professus. Sæpe in Senatu perpetua oratione respondit. Denique & Græcas scripsit historias Tyrrenicon xx, Carchedonjcon VIII. Excessit III. Idus Octob. Asinio Marcello, Acilio Auiola C o s s. LXIII, ætatis, alij LX. Imperij XIII. anno. toxico sublat. Funeratus est solenni Principum pompa, & in numerum Deorum relatus.

IOANNES BOCHIVS. S. P. Q. A. à Secretis.

*Militis officio Romanum CLAVDIVS vno
Imperium assequitur Cæsar, vix deditus armis :
Sed pugna simulacra ciet naualis, & ingens
In pelago molitur opus, qua miscet Etruscas
Aequoreis Tiberinus aquas. at iniqua marito
Agrippina dolis vitam abstulit, æqua Neroni.*

NON EODEM MODO A PVLICE ET FERA¹³
BELVA CAVERI OPORTET.



NERO natus est Antij post IX. menses quàm Tiberius excessit, XVIII. Kalend. Ianuarias. Statura fuit pænè iusta, corpore maculoso & foedo, sufflauo capillo, vultu pulchro magis quàm venusto, oculis cæcis, & hebetioribus, ceruice obesa, ventre proiecto, gracillimis cruribus, valetudine prospera. nam qui luxuriæ immoderatissimæ esset, ter omnino per XIII. annos languit, atque ita vt neque vino, neque consuetudine reliqua abstineret. Circa cultum habitumque adeò pudendus, vt comam semper in gradus formatam peregrinatione Achaica etiam ponè verticem summisserit, ac plerumq; synthesin indutus, ligato circum collum sudario, prodierit in publicum sine cinctu, & discalceatus. Liberales disciplinas omnes ferè puer attigit. Sed à Philosophia eum mater auertit, monens imperaturo contrariam esse, à cognitione veterum Oratorum Seneca præceptor, quo diutius in admiratione sui detineret. Itaque ad poeticam pronus, carmina libenter, ac sine labore composuit. Neque (vt quidam putant) aliena pro suis edidit. Venè in manus Suetonij pugillares libelli que cum quibusdam notissimis versibus ipsius chirographo scriptis, vt facillè appareret non translatos, aut dictante aliquo exceptos, sed planè quasi à cogitante atque generante exaratos. Ita multa & deleta & inducta, & superscripta inerant. Habuit & pingendi fingendiq; maximè non mediocre studiū. Sibi ipsi manū intulit xxx. & secundo ætatis anno, Imperij XIII. die quo quondam Octauia interemerat, tantumq; gaudium publicè præbuit, vt plebs pileata tota vrbe discurreret. Funeratus est impesa ducetorum milliū stragulis albis auro intextis, quibus vsus Kalend. Ianuarij fuerat.

IOANNES BOCHIVS. S. P. Q. A. à Secretis.

*Si fidibus tantum audisset te Roma canentem
Detestande NERO, citharam plectrumq. dedisset
Pro sceptro, non tanta suis incendia tectis,
Non cades vidisset humo, nec funere natum
Materno infamem, qui facto haud pulcrius vno
Gessit, ab immani monstro dum liberat urbem.*

PRIAMVS MIRVM IN MODVM BEATVS FVIT,
QVOD PATRIAM SIMVL CVM REGNO
PERDITAM VIDIT.



SER. GALBA Imperator M. Valerio Messalla, Cn. Lentulo Coss. natus est IX. Kalend. Ianuarij, in villa colli supposita prope Terracinam sinistrorsum Fundos petentibus. Inter liberales disciplinas attendit Iuri. Dedit & matrimonio operam, verum amissa vxore Lepida, duobusque ex ea filiis, remansit in calibatu. Statura iusta fuit, capite caluo, oculis cæruleis, adunco naso, manibus, pedibusque articulari morbo distortissimis, vt neque calceum perpeti, neque libellos euoluere, aut tenere omnino valeret. Excreuerat etiam in dexteriore latere eius caro, propendebatque adeo vt ægrè fascia substringeretur. Cibi plurimi traditur. Quem tempore hiberno etiam ante lucem capere consueuerat, inter cœnam verò vsque adeo abundantem, vt congeſtas super manus reliquias circū ferri iuberet, spargique ad pedes stantibus. Ex insidiis occisus est tertio & septuagesimo ætatis anno, Imperij mense septimo. Senatus vt primum licitum fuit statuam ei decreuerat rostratæ columnæ superstantem in parte fori, qua trucidatus est, sed decretum Vespasianus aboleuit, percussores sibi ex Hispania in Iudæam submisisse opinatus.

IOANNES BOCHIVS. S. P. Q. A. à Secretis.

*Nobilitate potens, alienis clarior armis
Imperio quàm GALBA suo, quo culmine dignus
Cunctorum assensu est habitus: si nomen adeptus
Nunquam Cæsareum, maiestatemque fuisset,
Nec caluum inuidiæ caput obiecisset, & hosti
Grata sua nunquam spectacula morte dedisset.*

DISCE MILES MILITARE, ADEST
GALBA NON GETV LICVS.



OTHO Imperator IIII. Kalend. Maij natus est, Camillo Ar-
runtio, Domitio Aenobarbo COSS. Fuisse traditur modicæ statu-
ræ, & malè pedatus scambusq; , mūditiarū verò pœnè muliebrum,
vulso corpore, galericulo capiti propter raritatem capillorū adap-
tato & annexo, vt nemo dignosceret. Quin & faciem quotidie ra-
sitare, ac panē madido linere consuetum, idq. instituisse à prima la-
nugine, ne barbatus vnquam esset. A prima adulescentia prodigus,
ac procax, adeò vt sæpè flagris obiurgaretur à patre. Ferebatur &
vagari noctibus solitus, atque inualidum quemque obuiorum, vel
potulentum corripere, ac distento sago impositum in sublime ia-
ctare. Apud Bebiacum victus, arripuit duos pugiones, & explora-
ta vtriusque acie, cū alterū puluino subdidisset, foribus adopertis,
arctissimo somno quieuit & circa lucem demum expergefactus,
vno se traiecit ictu infra laeuam papillam, irrumpentibusq; ad pri-
mum gemitū, modò celans, modò detegēs plagam, exanimatus est,
& celeriter (ita præceperat) funeratus, XXXVIII. ætatis anno &
XCV. Imperij die. Multi præsentium militum cum plurimo fletu
manus, ac pedes iacentis exosculati, fortissimum virum, vnicū Im-
peratorem prædicantes, ibidem statim, nec procul à rogo vim suæ
vitæ attulerunt. Multi & absentium accepto nuncio præ dolore ar-
mis inter se ad internecionem concurrerunt.

BALTHASAR MORETVS IOANNIS F.

*Mollis OTHO, ac summi nimiū festinus honoris,
Munera thuricremis cū Galba imponeret aris,
Cogitat infandas cædes, & sanguine gaudet
Cæsareo temerare manus: regno inde potitus
Nil dignum peragit. propriâ fit morte celebris,
Atq; trahit secum socias in fata cohortes.*

19

MVLTO MELIVS IVSTIVSQUE EST, VNVM
PRO MVLTIS, QVAM PRO VNO
MVLTOS INTERIRE.



A. VITELLIVS L. F. Imp. natus est VIII. Kalend. Octobris, vel (vt quidam) VII. Id. Septembris, Druso Cæsare, Norbano Flacco C O S S. Genituram eius, prædictam à Mathematicis ita parentes exhorruerunt, vt pater magnoperè semper contenderit ne qua ei prouincia viuo se committeretur, mater & missum ad legiones, & appellatum Imperatorem pro afflicto statim lamentata sit. Erat in eo enormis proceritas, facies rubida, plerumque ex vinolentia, venter obesus, alterum femur subdebile, impulsu olim quadrigæ cùm auriganti Caio ministratorem exhiberet. Qualis illi vita, talis illi finis. Flauiani in urbem irruerunt, cunctaque abdita sedulò rimantes, tandem VITELLIVM inuentum è latebra traxerunt. Inter magna rerum verborumque ludibria per totum Viæ Sacræ spatium, reducto coma capite, (ceu noxij solent) atque etiam mento mucrone gladij subiecto, vt visendam præberet faciem, nèue submitteret, quibusdam stercore & ceno incessentibus, aliis incendiarium, & patinarium vociferantibus, tandem apud Gemonias minutissimis ictibus excarnificatus atque confectus est, & inde vnco tractus in Tiberim, postquam VIII. menses Imperio præfuisset, ætatis LVII.

BALTHASAR MORETVS IOANNIS F.

*Ingluue fœdâ infamis, nec digne, VITELLI,
Imperio, quæ tanta tibi dementia suadet
Immeritos vexare viros & tollere ferro?
En tibi nullus honos, iam te Romana propago
Haud sufferre valer; laqueos ensemq; rependit,
Et te confectum condit Tiberinus arenâ.*

OPTIME OLET OCCISVS HOSTIS,
SED MELIVS CIVIS.

21



VESPASIANVS natus est in Sabinis vltra Reatē, vico modico cui nomen est Phalacrine, xv. Kalēd. Decemb. vesperi, Q. Sulpicio Camerino, C. Poppæo Sabino COSS. quinquennio antequam Augustus excederet. Statura fuit quadrata, cōpactis firmisq; mēbris, vultu veluti nitentis. Vnde quidam vrbanoꝝ non infacetē. siquidē petenti vt & in se aliquid diceret, Dicam (inquit) cū ventrē exonerare desieris. Valetudine prospera vsus est, quamuis ad tuendam eam nihil amplius quā fauces, ceteraq; membra sibimet ad numerum in sphæristerio defricaret, mediamq; vnus diei per singulos menses interponeret. Ordinem vitæ fere hunc tenuit. In principatu maturius semper ac de nocte vigilabat, deinde perlectis epistolis, officiorumq; omniū breuiariis, amicos admittebat. Ac dum salutabatur & calceabat ipse sese, & amiciebat. Et super cænā autem & semper aliās cum amicis, multa ioco transigebat. erat enim dicacitatis plurimæ, & sic scurrilis ac sordidæ, vt ne prætextatis quidem verbis abstineret. Vtebatur & versibus Græcis tempestiuē factis, & de quodam proceræ staturæ, improbiusq; nato,

μακρὰ βίβας, κραδαίων δελιχόσκιον ἔγχος.

Ac ne in metu quidem ac periculo mortis extremo abstinuit iocis. Tandem cū super vrgentem valetudinē creberrimo frigidæ aquæ vsu & intestina vitia sit, aluo repenti vsque ad defectionem soluta, Imperatorem ait stantem mori oportere. Dumq; confurgit, ac nititur, inter manus subleuantium extinctus est VIII. Kal. Iulij, annum gerens ætatis LXIX. superq; mensem, ac diem septimum.

BALTHASAR MORETVS IOANNIS F.

*Atra lues, funesta lues, cū regna teneret,
Flauia progenies, pietate insignis & armis
VESPASIANVS adest, patria succurrere promptum
Labenti, casis Solymis, hic ille triumphum
Egit. magnificis fundauit honoribus urbem,
Officiōque suo moriens vix desinit vri.*

BONVS ODOR LVCRI EX RE QVALIBET²³



24 D. TITVS VESPASIANVS AVGVSTVS. XI.

TITVS, cognomine paterno, amor ac delicia generis humani, natus est 111. Kal. Ianuar. insigni anno Caiana nece, prope Septizoniū, sordidis ædibus, cubiculo verò perparuo & obscuro. Educatus in aula cum Britannico simul, ac paribus disciplinis, & apud eosdem magistros institutus. Quo quidē tempore aiunt metoposcopū, à Narcisso, Claudii liberto, adhibitum vt Britannicum inspiceret, constantissimè affirmasse illū quidem nullo modo, ceterū TITVM, qui tunc propè astabat, utiq; imperaturum. In puero statim corporis animiq; dotes exsplenduerunt, magis ac magis deinceps per ætatis gradus, formæ egregia, & cui non minus auctoritatis inellet quàm gratiæ, præcipuum robur, quamquam neq; procera statura, & ventre paullo projectiore, memoria singularis, docilitas ad omnes ferè tum belli, tum pacis artes. Armorum & equitadi peritissimus, Latinæ, Græcæq; linguæ vel in orando, vel in fingendis poëmatibus promptus & facilis ad extemporalitatem vsque. Sed ne Musicæ quidem rudis, vt qui cantaret & psalleret iucundè, scienterq; E pluribus comperi notis quoq; excipere velocissimè solitum, cum amanuensibus suis per ludum iocumq; certantem, imitari chirographa quæcunq; vidisset, ac profiteri sæpe se maximum falsarium esse potuisse. Excessit in eadem qua pater villa, Idib. Septemb. post biennium, ac menses duos, diesque xx. quàm successerat patri, altero & quadagesimo ætatis anno. Huius mors, credi vix potest, quantum luctus Vrbi, prouinciisq; intulerit, adèd vt eum delicias publicas, sicut diximus, appellantes, quasi perpetuo custode orbatum terrarū orbem deslerent.

BALTHASAR MORETVS IOANNIS F.

*Deliciæ humani generis TITVS, orbis amores,
Religionis amans, merita nec laudis amarus,
Funditus euertit (nam sic pia Fata ferebant)
Vrbem præclaram Solymes, nec claruit armis
Tantum, ast innumeras pacis cognouit & artes.
Felix Roma fores, celeri ni morte perisset.*

1
NEMO ME INIVRIA AFFICERE, AVT CON-²⁵
TVMELIA POTEST: QVIA NIHIL AGO
QVOD ALIOS LAEDERE POSSET.



DOMITIANVS natus est 1X. Kal. Nouemb. patre COS. designato, inituroq; mense insequenti honorem, regione Vrbis sexta, ad Malum Punicū, domo quam postea in templum gentis FLAVIAE cōuertit, Statura fuit procera, vultu modesto, ruborisque pleno, grandibus oculis, verū acie hebetiore, præterea pulcher ac decēs, maximè in iuuenta, & quidem toto corpore, exceptis pedibus, quorum digitos restrictiores habebat. Postea caluitio quoq; deformis, & obesitate ventris, & crurum gracilitate, quæ tamen ei valetudine longa rema-
cruerant. Commendari se verecundia oris adeò sentiebat, vt apud Senatū sic quōdam iactauerit, *ῥσque adhuc certè animum meum probastis, & vultum.* Caluitio ita offendebatur, vt in contumeliā suā traheret si cui alii ioco, vel iurgio obiectaretur, quāuis libello quem De cura capillorum ad amicum edidit, hoc etiam, illum simul seque consolans, inferuerit, *οὐχ ὀρέας οἶος καὶ γὰρ καλὸς τε μέγας τε.* Eadem me tamen manent capillorum fata, & forti animo fero comam in adolescentia senescerem. Scias nec gratius quidquam decore, nec breuius. Liberalia studia in initio Imperij neglexit. Quanquam bibliothecas incendio absumptas impensissimè reparare curasset, exemplaribus vndiq; petitis, missisque Alexandriā qui describerent, emēdarentq; .nunquā tamē aut historiæ, carminibusue cognoscēdis operā vllam, aut stylo vel necessario dedit. Præter cōmentarios & acta Tiberij Cæsaris nihil leſtitabat. Cunctis terribilis & inuisus, tandē oppressus est in cubiculo, amicorū libertorumq; intimorum cōspiratione simul & vxoris acceptis vulneribus septē, XIII. Kal. Octobris, anno ætatis XLV. Imperij XV. D.V.

BALTHASAR MORETVS IOANNIS F.

DOMITIANE, tuæ labe turpissima gentis,
Aemula famoso cur fingis sceptræ Neroni?
Principio arrisit probitas, simulataq; virtus,
Mox ruis in peius contempto numine Diuū.
At quoniam infantes nullâ ratione trucidas,
Te meritò punire tui coguntur amici.

PAVCIS NOTVM EST, QVAM MISERA SIT
PRINCIPVM CONditio: QVIA TYRAN-
NIDIS FALSA SVSPITIONE TVM DE-
MVM LIBERANTVR CVM AGVNT
ANIMAM.



D. Magni Aufonij Burdig. Viri consularis tetrasticha
in Cæsares Romanos.

IULIUS CÆSAR.

Imperium, binis fuerat solemne quod olim
Consulibus Caesar Iulius obtinuit.
Sed breue ius regni, sola trieteride gestum.
Perculit armata factio seua toga.

OCTAVIANVS AVGVSTVS.

Vltor successorq, de hinc Octavius, idem
Caesar, & Augusti nomine nobilior.
Longæua, & nunquam dubiis violata potestas,
In terris positum credidit esse Deum.

TIBERIVS NERO.

Prænomen Tiberi nactus Nero, prima iuuenta
Tempora laudato gessit in imperio.
Frustrâ dehinc solo Caprearum clausus in antro
Quæ prodiit vitæ, credit operta locis.

CAIVS CALIGVLA.

Post hunc castrensis caligæ cognomine Caesar
Succesit sæuo seuior ingenio.
Cadibus, incestusq, de hinc maculosus, & omni
Crimine pollutum qui superauit auum.

CLAVDIVS CÆSAR.

Claudius irrisæ priuato in tempore vita,
In regno specimen prodidit ingenij.
Libertina tamen, nuptarum & crimina passus,
Non faciendo nocens, sed patiendo fuit.

NERO.

Acadum generis qui sextus, & vltimus hæres
Polluit, & clausit Iulia sacra Nero.
Nomina quot pietas, tot habet quoq, crimina vita:
Disce ex Tranquillo, quæ meminisse piget.

SERVIUS GALBA.

*Spem frustrate senex, priuatus sceptra mereri
 Visus es, imperio proditus inferior.
 Fama tibi melior iuueni: sed iustior ordo est:
 Complacuisse dehinc, displicuisse prius.*

MARCUS OTHO.

*Æmula polluto gesturus sceptra Neroni:
 Obruatur celeris raptus Otho exitio.
 Fine tamen laudandus erit: qui morte decora
 Hoc solum fecit nobile, quod perijt.*

AVLVS VITELLIVS.

*Vita sors, mors fæda tibi, nec digne Vitelli,
 Qui fieres Caesar. sic sibi fata placent.
 Vmbra tamen brevis imperij. quia pramia regni
 Sape indignus adit. non nisi dignus habet.*

DIVVS VESPASIANVS.

*Quærendi attentus, moderato commodus vsu,
 Auget. nec reprimi Vespassianus opes:
 Olim qui dubiam priuato in tempore famam,
 Par aliis princeps, transtulit in melius.*

TITVS VESPASIANVS.

*Felix imperio, felix breuitate regendi,
 Expers ciuilis sanguinis, orbis amor.
 Vnum dixisti moriens te crimen habere.
 Sed nulli de te, non tibi credidimus.*

DOMITIANVS.

*Hactenus edideras dominos gens Flauia iustos:
 Cur duo quæ dederunt tertius eripuit?
 Vix tanti est habuisse illos. quia dona bonorum
 Sunt breuia. æternum, quæ nocuere dolent.*


FINIS.


APPROBATIO.


Hæc eadem approbatione transiliunt qua ante lecta per
R. D. Patrem Andream Scottum Societatis Iesu Presbij-
terum. 2. Septemb. Anno 1602.

*Egbertus Spitholdius S. T. L.
& Ecclesiæ Antuerpiensis
Plebanus.*


ANTVERPIÆ,
TYPIS ROBERTI BRVNEAV.
ANNO M. DCIII.











sc/-

sf/c

William Dewart Crawford
LAKELANDS.
CORK.



SPECIAL

87-B

27131

THE GETTY CENTER
LIBRARY

cegs

91

